



**SINDIKAT MAŠINOVOĐA-STROJOVOĐA U F BiH**  
Put života 2. 71000 Sarajevo, BiH / Tel: +387(0)33 - 218-298 / ŽAT +387(0)33 - 657-313/2383

Broj:04-VIII/11

Sarajevo:06.08.2011.god.

## **SAPOŠTENJE ZA ČLANSTVO I ZAPOSLENIKE ŽFBiH**

Ovim putem želimo članstvo i ostale zaposlenike ŽFBiH upoznati sa situacijom i dešavanjima oko „zavrtanja ruku“ vezano za povlačenje tužbi protiv Poslodavca.

Pošto je pravda spora ali ipak dostižna, ovih dana je došlo dvadesetak Pravosnažnih presuda u korist zaposlenika, koji su tužbom tražili svoja prava iz Radnog odnosa (regresi , razlike plaće, nezakonitost izmjene Kol.ugovora itd..)

To je bio znak za „uzbunu“ u redovima Osmanagićevog stožera, i odmah su se bacili na dobro oprobani recept ubjeđivanja kontraverznih sindikalaca, zajedno sa „prodanim dušama „ tj. Vijećem zaposlenika, da se u cilju očuvanja firme trebaju povući tužbe.

Na tu temu Poslodavac je organizovao tri sastanka, na kojim naš Sindikat nije želio prisustvovati iz razloga što je tim sastancima prisustvovalo nelegalno Vijeće zaposlenika, koje nema nikakve veze sa našim tužbama (pozvani su samo da podrže Poslodavaca) i zato što mi nismo kao neki sindikalni lideri htjeli prodavati Vaše interese i prava.

Svjedoci ste sadržaja „platforme“ koju su prihvatili svi ostali Sindikati, a koja je prava demagogija. Po sadržaju „platforme“ koju je naravno osmislio Poslodavac, jasno se vidi da je „ražanj spreman a zec je u šumi“ jer tu se spominju regresi koje treba da isfinansira Vlada FBiH, koja ne zna kud udara od silnih problema, i samo joj još treba da željezničarima isplati regrese.

Da je gos.Osmanagić zaista imao namjeru podijeliti tri regresa, mogao je to uraditi od onih sredstava koje je na ime duga oprostio privatnoj firmi Gikel iz Lukavca, u iznosu od 5,5 mil. KM , koliko iznose i potraživanja za tri regresa svim zaposlenicima.

Zbog svega navedenog, apelujemo na članstvo, a i ostale zaposlenike da ne potpisuju nikakve izjave i spiskove koje im nudi Poslodavac u cilju prihvatanja „platforme“ ili odricanja svojih Zakonom predviđenih prava, jer je u pitanju notorna laž i prevara.

Takvim metodama prisilnog odricanja od nečeg svog služili su još samo agresorske armade u proteklom ratu, kada su putem prisilnih izjava dolazili u posjed imovine, zlata i novca od ljudi koji su pod strahom pristajali na sve što se od njih traži.

Ne dajte da Vas varaju i otimaju Vaše ljudsko pravo i dostojanstvo !

S poštovanjem!!!!



**Predsjednik SMS-u FBiH**

**Vernes Buljugija**